

Broj 3. - Srijeda, 24. februara 1999.

(„Službene novine Kantona Sarajevo“, broj 3/99 Prečišćeni tekst)

Na osnovu člana 37. stav 4. alineja 3. i člana 152. stav 1. Poslovnika Skupštine Kantona Sarajevo („Službene novine Kantona Sarajevo“, br. 7/96, 10/96, 4/97 i 6/97) Zakonodavno - pravna komisija Skupštine Kantona Sarajevo na sjednici održanoj 22.2.1999.godine utvrdila je prečišćen tekst Odluke o preuzimanju prava osnivača Javne ustanove „Kamerni teatar ž55“, Sarajevo.

Prečišćeni tekst Odluke o preuzimanju prava osnivača Javne ustanove, „Kamerni teatar ž55“, Sarajevo obuhvata:

1. Odluku o preuzimanju prava osnivača Radne organizacije „Kamerni teatar ž55“, Sarajevo („Službene novine grada Sarajeva, broj 10/92);
2. Odluku o preuzimanju i izmjenama i dopunama Odluke o preuzimanju prava osnivača Javne ustanove „Kamerni teatar ž55“, Sarajevo („Službene novine Kantona Sarajevo“, broj 14/97);

u kojima je označen dan stupanja na snagu tih odluka.

Broj 01-05-12-4/99
22. februara 1999. godine
Sarajevo

Predsjednik
Zakonodavno-pravne komisije
Avdo Čampara, s. r.

ODLUKA**O PREUZIMANJU PRAVA OSNIVAČA JAVNE USTANOVE „KAMERNI TEATAR 55“, SARAJEVO****(PREČIŠĆEN TEKST)**

Član 1.

Ovom odlukom preuzima se Odluka o preuzimanju prava osnivača Javne ustanove „Kamerni teatar ž55“, Sarajevo, („Službene novine grada Sarajeva“, broj 10/92) kao Odluka Kantona Sarajevo.

Član 2.

Kanton Sarajevo preuzima prava osnivača Javne ustanove „Kamerni teatar ž55“, Sarajevo koja nastavlja sa radom kao kantonalna Javna ustanova u državnoj svojini.

Naziv Javne ustanove je „Kamerni teatar ž55“ (u daljem tekstu: Teatar),

Sjedište Teatra je u Sarajevu, Ulica Maršala Tita 56/II.

Član 4.

Teatar ima svojstvo pravnog lica.

Član 5.

Djelatnost Teatra je:

92.31. Umjetničko i književno stvaralaštvo i scensko izvođenje (reproduktivna umjetnost)

92.32. Djelatnost objekata za kulturne priredbe.

Član 6.

Teatar ne može promijeniti djelatnost iz člana 5. ove odluke bez saglasnosti osnivača.

Član 7.

Danom stupanja na snagu ove odluke Teatar preuzima objekte i opremu na korištenje i prava i obaveze bivše gradske Javne ustanove „Kamerni“, Sarajevo.

Objekti i oprema iz stava 1. ovog člana imovina su Kantona.

Član 8.

Izvori sredstava za rad Teatra su:

- sredstva osnivača.
- iz naknada za obavljanje intelektualnih i drugih usluga.

- iz legata, poklona, zavještanja i iz drugih izvora.

Član 9.

Vlada Kantona daje saglasnost na pravila, planove rada i razvoja i godišnji program rada Teatra.

Član 10.

Pitanja prava i obaveza između osnivača i Teatra koja nisu regulisana ovom odlukom, utvrdiće se ugovorom.

Član 11.

Organ upravljanja u Teatru je Upravni odbor od pet članova.

Jedna trećina članova Upravnog odbora po pravilu imenuje se iz reda stručnih kadrova zaposlenih u teatru.

Predsjednika i članove Upravnog odbora imenuje i razrješava Vlada Kantona.

Član 12.

Organ rukovođenja u Teatru je direktor.

Direktora Teatra imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona.

Direktor Teatra ne može biti član Upravnog odbora.

Član 13.

Organ kontrole poslovanja u Teatru je Nadzorni odbor od tri člana.

Predsjednika i članove Nadzornog odbora imenuje i razrješava Vlada Kantona.

Najmanje jedan član Nadzornog odbora imenuje se iz reda stručnih radnika zaposlenih u Teatru.

Član 14.

Radnici Teatra ostvaruju prava u skladu sa zakonom, pravilima Teatra i kolektivnim ugovorom.

Član 15.

Upravni odbor Teatra uskladiće pravila, akt o unutrašnjoj organizaciji i druga akta u roku od 60 dana od dana stupanja na snagu ove odluke.

Član 16.

Nadzor nad zakonitosti rada Teatra vrši Ministarstvo kulture i sporta Kantona Sarajevo.

Član 17.

Javna ustanova "Kamerni", Sarajevo, obavezna je da u roku od mjesec dana od dana stupanja na snagu ove odluke podnese prijavu radi upisa ovih promjena u sudski registar koji se vodi kod Kantonalnog suda u Sarajevu.

Član 18.

Za svoje obaveze Teatar odgovara svom svojom imovinom - potpuna odgovornost.

Osnivač je supsidijarno odgovoran za obaveze Teatra.

KANTON SARAJEVO

Skupština Kantona

Na osnovu člana 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), člana 6. Zakona o ustanovama ("Službeni list RBiH", broj 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", broj 14/00 i 25/06), Skupština Kantona Sarajevo, na sjednici održanoj 26. septembra 2007. godine, donijela je

ODLUKU

**O IZMJENAMA I DOPUNAMA ODLUKE O PREUZIMANJU PRAVA OSNIVAČA JAVNE
USTANOVE "KAMERNI TEATAR 55" SARAJEVO**

Član 1.

U članu 2. Odluke o preuzimanju prava osnivača Javne ustanove "Kamerni teatar 55" Sarajevo ("Službene novine Kantona Sarajevo", broj 3/99 - Prečišćeni tekst), iza stava 2. dodaju se st. 3. i 4. koji glase:

"Naziv i sjedište Teatra iz st. 1. i 2. ovog člana može se promijeniti."

"Odluku o promjeni naziva i sjedišta Teatra donosi Skupština Kantona Sarajevo (u daljnjem tekstu: Skupština) na prijedlog Vlade Kantona".

Član 2.

U članu 6. dodaju se novi st. 1. i 2. koji glase:

"Djelatnost Teatra iz člana 5. ove Odluke može se proširiti ili promijeniti."

"Odluku o proširenju ili promjeni djelatnosti donosi Skupština na prijedlog Vlade Kantona".

Dosadašnji stav 1. postaje stav 3.

Član 3.

U članu 9. iza riječi "pravila" dodaju se riječi: "pravilnik o unutrašnjoj organizaciji i sistematizaciji", a ostali dio teksta ostaje nepromijenjen.

Član 4.

Iza člana 13. dodaje se novi član 13a. koji glasi:

"Član 13a.

Vlada Kantona će razriješiti predsjednika i člana Upravnog odbora, direktora i predsjednika i člana Nadzornog odbora i prije isteka mandata na koji su imenovani u sljedećim slučajevima:

- ako utvrdi da je odgovoran za neuspješan ili nezakonit rad Teatra,
- ako je Teatar poslovao sa gubitkom dvije (2) godine uzastopno,
- na njegov lični zahtjev,
- ako Skupština ne usvoji godišnji izvještaj o radu i finansijskom poslovanju Teatra,
- u drugim slučajevima utvrđenim zakonom i pravilima ustanove.

Procedura usvajanja izvještaja o radu i finansijskom poslovanju ustanove, posljedice mogućeg neusvajanja navedenih akata, kao i postupak i način razrješenja predsjednika i članova upravnog i nadzornog odbora i direktora, precizirat će se Pravilima Teatra."

Član 5.

U čl. 15. i 17. riječ "ove" briše se, a riječ "odluke" zamjenjuje se riječima: "Odluke o izmjenama i dopunama Odluke o preuzimanju prava osnivača Javne ustanove "Kamerni teatar 55" Sarajevo.

Član 6.

Iza člana 16. dodaje se novi član 16a. koji glasi:

"Član 16a.

Upravni, odnosno nadzorni odbor obavezan je da Ministarstvu kulture i sporta Kantona Sarajevo redovno dostavlja zapisnike sa održanih sjednica upravnog, odnosno nadzornog odbora, a izvještaj o radu godišnje.

Godišnji izvještaj o radu sadrži: izvještaj o izvršenju godišnjeg programa rada, izvještaj o finansijskom poslovanju, izvještaj o radu upravnog odbora i izvještaj o radu nadzornog odbora."

Član 7.

Upravni odbor Teatra dužan je da u roku od 30 dana od dana stupanja na snagu ove Odluke uskladi Pravila i Pravilnik o radu, unutrašnjoj organizaciji i sistematizaciji radnih mjesta i druge opće akte sa odredbama ove Odluke.

Član 8.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove "Kamerni teatar 55" Sarajevo.

Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-24515/07
26. septembra 2007. godine
Sarajevo

Predsjedavajući
Skupštine Kantona Sarajevo
dr. **Denis Zvizdić**, s. r.

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i člana 6. Zakona o pozorišnoj djelatnosti ("Službene novine Kantona Sarajevo", br. 14/00 i 25/06), Skupština Kantona Sarajevo, na sjednici održanoj dana 27.12.2012. godine, donijela je

ODLUKU

**O IZMJENAMA ODLUKE O PREUZIMANJU PRAVA
OSNIVAČA JAVNE USTANOVE "KAMERNI TEATAR
'55", SARAJEVO**

Član 1.

Član 5. Odluke o preuzimanju prava osnivača Javne ustanove "Kamerni teatar '55", Sarajevo, ("Službene novine Kantona Sarajevo", br. 3/99 - Prečišćeni tekst i 33/07), mijenja se i glasi:

"Član 5.

Djelatnost Teatra je:

90.01 Izvodačka umjetnost

90.02 Pomoćne djelatnosti u izvodačkoj umjetnosti

90.04 Rad umjetničkih objekata."

Član 2.

Ova odluka stupa na snagu osmog dana od dana objavljivanja u "Službenim novinama Kantona Sarajevo."

Broj 01-05-31432/12
27. decembra 2012. godine
Sarajevo

Predsjedavajuća
Skupštine Kantona Sarajevo
Prof. dr. **Mirjana Malić**, s. r.